

Invitaziun ad occurrenza d'infurmaziun

Igl cumegn da Surses ansemen cun la Nova Fundaziun Origen organisescha en'occurrenza d'infurmaziun per preschentar igl project "Salvar igls Mulegns", tgi cumpeglia er ena maseira per migliurar la situaziun da traffic tras vischnanca.

L'occurrenza vign salvada glindesde, igls 19 d'avost 2019, allas 19.00, ainten la sala digl hotel "Löwe" agls Mulegns.

Gl'intent è da preschentar igl project menziuno da moda detagleda, an vista alla radunanza communal digls 26 d'avost, tgi ò numnadamaintg da decider tranter oter davart la vendita d'ena parcella ed ena contribuziun finanziaria alla Nova Fundaziun Origen.

Anvidada è l'antiera populaziun digl cumegn da Surses scu er possessouras e possessours d'abitaziuns secundaras an noss cumegn.

I vign anc tarmess en figl sgulont a tot igls casals.

Nous supplitgagn da piglier cunaschientscha e speragn sen numerousa participaziun.

Tinizong, igls 06-08-2019

Suprastanza communal Surses